



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 100. Legatus postulati sui repulsam indignatus.

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

cum Scribam eandem promissionem Montorio Comiti fieri curabant, præsentibus Rebiba, & Vitellio Cardinalibus. Attamen Comes temporis spatium sibi indulgeri petebat, ut Pontificis Patruï sui mentem desuper compertam haberet, postea vero se respondurum ajebat.

Sæcul. XVI.

A.C. 1557.

§. C.

Legatus postulati sui repulsam indignatus.

Legatus cum in Philippi Regis aula sua postulata flocci haberi intelligeret, animi sui indignationem in Hispaniæ Ministros palam exerere cœperat, præcipue, cum inter eos Marcum Antonium Columnam, & Ascanium Corneum præsentem cerneret; hi enim nullum non movebant lapidem adversus Legatum, partim ut injurias ab eo acceptas ulciscerentur, partim ut eundem inducerent, quatenus eos summo Pontifici suo Patruo conciliaret, hocque beneficio deliniti Papæ studiis faverent. Ast Cardinalis cum sese omni conceptæ spei fructu destitui, rebusque suis cuncta adversari conspiceret, procul a Bruxellensi aula ad quamdam Abbatiam secessit, ut ibidem animi sui mœrorem dissiparet. Attamen Philippus Rex ad placandum Legati animum omnem

Pallav. n. II.

omnem

Sæcul. XVI.
A. C. 1557.

omnem impendit operam, necnon quosdam ex præcipuis suis Ministris ad eum decrevit, qui illum blandis omnino verbis, atque amicis suasionibus ad Aulam revocarent; verebatur enim Rex, ne Legatum ira commotum magis irritaret, atque illum eo adigeret, ut belli flammam rursus fuscitaret, nec non ditiones, quas Rex in Italia possidebat, novis tumultibus involveret. Verum Legatus perbenignis precibus annuens ad colloquium a Rege admittebatur, moxque Philippus semetipsum excusabat, quod ea omnia, in quæ tamen ex animi sui propensione se ferri sentiret, postulata eidem concedere haud posset, cum se obstrictum cernebat, ut sententiis suorum Ministrorum, sine quorum ductu, ac peritia nondum potuisset novella adhuc manu habenas regere tam amplæ Monarchiæ, sæpius cederet, nec raro, cum ob contraria studia crebro inter se discrepent, damnum ex eorum æmulationibus tolerare cogeretur. Postea Philippus Legatum his verbis alloquebatur: interea Romanam repetere potes, ubi meis Oratoribus, qui cum sint locis propinquiores, hinc rerum propositarum conditiones melius dispicient, mandaturus sum; ut tecum, tuoque fratre agant, & vobis gratificari studeant. Eundem
 postea

postea præcipue hortatus est, ut Marco Sæcul. XVI.
Antonio Columnæ a Papa veniam im- A.C. 1557.
petraret, eo quod plurimæ illi in Italia
affinitates essent, ac potentissimos juxta,
ac oppido illustres Principes sibi ad-
dictos haberet, ut proin, quamdiu se
spoliatum cerneret, timendum foret, ne
tranquillitati continuo oblitaret. Tan-
dem Philippus, ut Legato Cardinali
ostenderet, quanti illum præ reliquis
Caraffensis familiæ Principibus specia-
tim faceret, eidem duodecim millium
aureorum pensionem largiebatur. Hac
liberalitate Legatus nonnihil placatus
Philippo grates rependit, ac præmissa
obsequiosa salutatione die undecima
Martii anno sequenti Bruxellis Romam
profectus est.

§. CI.

*Alius Legatus in Poli locum a Papa
nominatus.*

Dum hæc agebantur, summus Ponti- Pallav. c. 2.
fex Cardinalem Polum, cujus fa- num. 5.
ma iniquis accusationibus apud eundem Ciacon.
fuerat graviter læsa, ab Anglica Le- p. 636. Ray-
gatione dimovere statuit: ast huic Viro nald hoc
idoneum, parisque meriti Præsulem sub- ann. n. 42.
rogare, maximi moliminis rem esse & seq.
probe cognoverat, quocirca longo tem-
pore dubius hærebat, quin vel unicum
in Anglia Præsulem reperiret, qui tanti
momen-